



Na osnovu Zaključka o davanju saglasnosti na Program utroška sredstava na poziciji „Tekući transfer za naučnoistraživačku djelatnost“ Budžeta Zeničko-dobojskog kantona za 2017. godinu, broj: 02-14-2619/17. od 23.02.2017. godine, Ministarstvo za obrazovanje, nauku, kulturu i sport Zeničko-dobojskog kantona r a s p i s u j e

K O N K U R S

za dodjelu sredstava za sufinansiranje naučnoistraživačke djelatnosti

Konkurs se raspisuje za dodjelu jednokratne novčane pomoći za:

1. organiziranje naučnih skupova na području Zeničko-dobojskog kantona,
2. učešće naučnih radnika i studenata na naučnim skupovima u zemlji i inostranstvu,
3. izdavanje univerzitetskih udžbenika na visokoškolskim ustanovama na području Zeničko-dobojskog kantona.

1. Organiziranje naučnih skupova na području Zeničko-dobojskog kantona

Pravo prijave na Konkurs imaju pravna lica koja ispunjavaju sljedeće uslove:

- da je registrirano za obavljanje naučnoistraživačke djelatnosti na području Zeničko-dobojskog kantona,
- da ima sjedište na području Zeničko-dobojskog kantona,
- da je naučni skup bio ili će biti organiziran u 2017. godini.

Uz prijavu je potrebno priložiti:

- dokaz o registraciji pravnog lica – organizatora,
- podatke o naučnom skupu: naziv, mjesto i termin održavanja, broj učesnika, kao i obrazloženje,
- iznos sredstava planiranih za organizaciju naučnog skupa,
- broj bankovnog računa pravnog lica.

Budžetski korisnici koji se djelimično ili u cjelosti finansiraju iz Budžeta Zeničko-dobojskog kantona nemaju pravo na dodjelu jednokratne novčane pomoći za organiziranje naučnih skupova na području Zeničko-dobojskog kantona.

2. Učešće naučnih radnika i studenata na naučnim skupovima u zemlji i inostranstvu

Pravo prijave na Konkurs imaju kandidati koji ispunjavaju sljedeće uslove:

- da su državljani Bosne i Hercegovine,
- da imaju prebivalište na području Zeničko-dobojskog kantona,
- da im je rad prihvaćen od strane organizatora naučnog skupa.

Uz prijavu je potrebno priložiti:

- uvjerenje o državljanstvu,
- prijavu prebivališta (CIPS),
- podatke o naučnom skupu (naziv, mjesto i datum održavanja, web site naučnog skupa, podatak o visini kotizacije),

- dokaz da je rad prihvaćen od strane organizatora naučnog skupa.

3. *Izdavanje univerzitetskih udžbenika na visokoškolskim ustanovama na području Zeničko-dobojskog kantona*

Pravo prijave na Konkurs imaju autori koji ispunjavaju sljedeće uslove:

- da su državljani Bosne i Hercegovine,
- da imaju prebivalište na području Zeničko-dobojskog kantona,
- da univerzitetski udžbenik izdaje visokoškolska ustanova na području Zeničko-dobojskog kantona.

Uz prijavu je potrebno priložiti:

- uvjerenje o državljanstvu,
- prijavu prebivališta (CIPS),
- odluku senata visokoškolske ustanove o davanju saglasnosti za objavljivanje univerzitetskog udžbenika,
- predračun ili račun o troškovima štampanja udžbenika,
- broj bankovnog računa.

Tražena dokumentacija se dostavlja u originalu ili ovjerenim kopijama i ne vraća se.

Nepotpune i neblagovremene prijave neće biti razmatrane.

Konkurs je otvoren 15 dana od dana objavljivanja (do 15.11.2017. godine).

Prijeve sa traženom dokumentacijom dostaviti na Pisarnicu Zeničko-dobojskog kantona ili poštom na adresu:

**Ministrastvo za obrazovanje, nauku, kulturu i sport Zeničko-dobojskog kantona
Kučukovići 2, 72 000 Zenica**

*Ministrastvo za obrazovanje,
nauku, kulturu i sport
Zeničko-dobojskog kantona*